

EDITORIAL

Maghimakas batuk sa pasismo kag kakugmat, mag-isa sa pagpataksik sa US-Duterte nga rehimen!

Ang isla sang Negros nangin laboratoryo sang rehimen Duterte sa iya “kontra-insurhensya” nga kampanya. Upod ang Bicol kag Samar, gin-implementar ang *Memorandum Order* (MO) 32 sa isla nga nagresulta sa tatlo ka serye sang asud-asud, brutal kag iligal nga pagpang-atake.

Ang implementasyon sang *whole-of-nation approach*, sa diin gin-adoptar ni Duterte halin sa “kontra-insurhensya” nga giya sang US paagi sa *Executive Order* (EO) 70, athag nga makita sa Oplan Sauron. Gingamit ang bug-os nga pwersa sang reaksyunaryo nga gobyerno upod ang *local government units* (LGUs), ang korte kag mismo ang iya mga pasista nga hinganiban nga *Armed Forces of the Philippines* (AFP) kag *Philippine National Police* (PNP). Matapos nga gin-deklarar sang PNP nga madinalag-on ang Oplan Sauron, ang Sauron nga tipo sang pagpamatay ang naglapnag gilay-on sa iban nga rehiyon sang pung-sod.

Kung ang Negros Oriental ang nangin *test area* para sa dululungan nga *extrajudicial killings* (EJK) kag iligal nga pagpang-aresto, ang

Negros Occidental, partikular sa norte nga bahin sang Negros, ang modelo para sa peke kag ginpilit nga mga *surrenderees* kag sa implementasyon sang *localized peace talks*. Ang *Provincial Task Force to End Local Communist Armed Conflict* sa pareho nga probinsya sang Negros kag ang deklarasyon sang *Communist Party of the Philippines* (CPP), *New People's Army* (NPA) kag *National Democratic Front of the Philippines* (NDFP) bilang persona-non-grata sa pipila ka LGU kabahin sang disenyo para ipagwa nga kadalag-an ang nagalutaw nga damgo sang rehimen nga mawasak ang CPP-NPA kag matiplan-gon nga interes ini sa pagsolbar sang kaimulon kag kagutom.

Pero bangud sang wala unod kag indi epektibo nga iskema sang rehimen, na-pwersa ini nga

“Maghimakas...” sa pahina 2

#NPANegrosOffensives 70 kaswalti naagum sang AFP/PNP, 16 armas nakuha sang NPA

Indi magnubo sa 70 ka kaswalti sa hanay sang AFP kag PNP kag 16 ka armas ang nakompiska matapos sang sunod-sunod nga mga taktikal nga opensiba sang lima ka larangan gerilya sang NPA diri sa isla sang Negros sugod Pebrero tubtub Setyembre sini nga tuig, bilang sabat sa demanda sang pumuluyo kag pagpanukot sang hustisya sa mga pagpamatay sang estado sa mga inosenteng sibilyan.

Pebrero 19. Ginpatuman sang yunit sa idalum sang Armando Sumayang Jr. Command (ASJC) ang silot-kamatayon sa masupog kag kriminal nga katapu sang Revolutionary Proletarian Army-Alex Bongcayao Brigade (RPA-ABB) nga si Jonibert Savico, alas 7:19 sang aga, sa Sityo Gutusan, Brgy. Camansi, Kabankalan City, Negros Occidental.

Abril 1. Gin-ambus sang yunit sa idalum sang Leonardo Panaligan Command (LPC) ang tropa sang 62nd Infantry Battalion (IB) sang Philippine Army sa Sityo San-

“70 kaswalti...” sa pahina 3



“Maghimakas...” halin sa pahina 1

mag-gamit sang kalakasan kag pasismo batuk sa iya mga oposisyon nga kulang na lang haya-gan nga pagdeklara sang militar nga paghari sa bilog nga pungsod.

Ginbuslan sang *Joint Implementation Plan* Kapanatagan sang AFP kag PNP ang *Development Support Security Plan* Kapayapaan. Sa Negros ginatawag ini nga *Joint Task Force-Negros*. Ang matuod nga katuyuan sini amo ang madata nga pagpatuman sang kakugmat para sa paghatag dalan sa mas malala nga tiraniya kag korapsyon sa rekursong sang Negros kag sa pungsod para sa interes sang mga kahimbon ni Duterte, ang iya amu nga mga imperyalistang dumuluong kag ang nagahari nga sahi sang mga dalagko komprador burgesya kag dalagko nga mga agalon mayduta.

Apang indi gid ini mangin epektibo nga tikang sang rehimen US-Duterte. Imbes nga magtanum sang kahadlok, paga-anihon ni Duterte ang kaakig kag ang kolektibo nga pagbato sang pumuluyong Pilipino.

Una sa tanan, ang katawhan Pilipino ilabi na sa Negros subong ara na sa pinakamalala nga lebel sang kaimulon kag gutom. Ang neoliberal nga polisiya nga ginpatuman sang rehimen Duterte naghatag dalan sa lubos nga liberalisasyon sang bugas kag iban pa nga produkto agrikultural, pribatisasyon sang serbisyo sosyal kag dugang nga deregulasyon sang aton ekonomiya. Ang pumuluyo ginapuga na sa grabe nga pagantus kag ang mga mamumugon sa katubhan ang nabutang sa mas peligro nga kahimtangan sa ginadihon nga implementasyon sa liberalisasyon sang kalamay.

Ikaduha, ginahatagan sang US-Duterte nga rehimen sang makatarunganon nga rason ang pumuluyo nga mag-upod sa armado nga paghimakas: nagataas nga presyo sang mga nagapanguna nga mga balaklon kag indi makatawhanon nga sweldo, lapnagon nga demolisyon sa kasyudaran

kag ang madata nga pagmonopolyo kag rekonsentrasyon sang duta sa kaumhan, “phase out” sang mga jeepney, pagpamahug sa midya, mga abogado kag tawong simbahan kag ilabi pa sa tanan ang pasista kag terorista nga mga metodo para ipa-idalum sa kontrol ang pumuluyo kag pahipuson sila sang ila mga demanda para sa pang-ekonomiya kag demokratiko nga mga kinamatarung.

Sa katapusan, ang CPP, nagapanguna sa paghimakas batuk sa isa na man ka tirano kag sa naga-usmod nga sistema sang mala-

kolonyal kag malapyudal, nagapamuno sang NPA, NDF kag bug-os nga rebolusyonaryo nga kahublagan, determinado nga lab-uton ang mga rekisitos sa pag-abanse sang demokratiko nga rebolusyon sang banwa. Ini ang nagapanguna nga kaaway sang rehimen US-Duterte. Naghatag ini sa pumuluyong Pilipino sang husto nga programa para daugon ang pungsodnon nga kahlwayan kag demokrasya.

Sa Negros, ang mga kadre kag katapuan sang Partido, mga Pulang kumander kag hangaway sang NPA, kag mga rebolusyonaryo nga aktibista dapat ihanda

“Maghimakas...” sa pahina 3



SETYEMBRE 2019

*Nagapasalamat ang istap sang
ANG PAGHIMAKAS sa mga
kontribusyon agud mangin
madinalag-on ang ini nga isyu.
Madamo nga salamat sa **Ang Bayan**
para sa mga nagamit nga mga art
works. Sa pagpauswag sang aton
ANG PAGHIMAKAS,
ginapangabay sa tanan ngabumala-
sa sini nga padayon nga mag-amot
sang mga balita, piktyur, istorya kag
iban pa nga sinulat. Nagapangayo
man kami sang inyo mga subestyon
kag komentaryo paano pa gid ini
pauswag.*



angpaghimakas@yahoo.com



facebook.com/ang.paghimakas.58



angpaghimakas.wordpress.com

MGA KAUNDAN

Maghimakas batuk sa pasismo kag kakugmat, mag-isa sa pagpatalsik sa US-Duterte nga rehimen!, **1**
70 kaswalti naagum sang AFP/PNP, 16 armas nakuha sang NPA, **1**
Kapalpakan sa pihak sang kabutigan kag pagpanghambog sang AFP/PNP, **5**
Sunod-sunod nga pagpamatay, lapnagon kag nagapadayon, **5**
Arevalo, Sinas kag Vinoya: mga berdugo nga heneral sang isla sang Negros, **6**
Hustisya para sa Negros 14, **7**
Defend Negros Network, ginlunsar, **8**
Transport strike batok peke nga modernisasyon ni Duterte madinalag-on, **8**
Ka Boygat, Pulang hangaway sang Negros, **9**

“Maghimakas...” halin sa pahina 2

ang aton mga pwersa kag ang masa para sa mapanghankat nga away batok sa pasismo kag tiraniya.

Dapat palaparon kag pabaskugon sang NPA ang mga taktikal nga opensiba para sa pag-ganar sang kusog kag pahuyangon ang kusog sang kaaway. Unahon ang pagsilot sa mga pasista nga tropa sang AFP kag PNP nga naka komiter sang seryoso nga mga krimen batok sa pumuluyo.

Ang pagpamatay, pasistang atake, korapsyon, pagtraidor, kabutigan kag ang kadaluk sa kwarta kag gahum ni Duterte kag sang iya kahimbon ang dapat nga ubos-kusog nga ibuyagyag, ikondenar kag pamatukan. Ang kabug-osan kag partikular nga panawagan nga palaparon kag pabaskugon ang kontra-pasista, kontra-pyudal kag kontra-imperyalista nga paghimakas masa ang dapat pabakuron. Ang panawagan para patalsikon si Duterte ang dapat ilanog sa bilog nga Negros.

Dapat mangin makahas, matinugahon kag pleksibli kita sa pagpalapad sa aton hilikuton alyansa kag dapat mas malapad pa gid ang aton malab-ot, mapamuklat kag mamobilisa masobra pa sa aton nalab-ot nga baseng masa.

Sa mga kapulisan kag soldado nga nagapabilin nga tampad sa pumuluyong Pilipino dapat pamatukan ang mga mando halin sa inyo mga kumander nga nagatulo sa inyo nga mangin kriminal kag berdugo sang mga inosente nga sibilyan nga ang ginhimo lang amo ang pagduso sang ila mga kinamatarung, pangabuhian kag kaayuhan, kag nagahimakas batuk sa pagpanghimulos kag pagpamigos.

Katapusan na sang paghari ni Duterte pero iya paga-gamiton ang iya bangkil kag kuko agud magpabilin sa iya poder. Dapat maghimakas ang pumuluyong Pilipino batuk sa pasismo kag kakugmat kag mag-isa sa pagpatalsik sang US-Duterte nga rehimen!



“70 kaswalti...” halin sa pahina 1

tos-Santos, Brgy. Quintin Remo, Moises Padilla, Negros Occidental. Nag-agum sang 24 ka Killed-in-Action (KIA) ang nasambit nga tropa sang militar samtang wala sang kaswalti ang hanay sang NPA.

Abril 4. Ginpatuman sang LPC ang silot-kamatayon kay SB Jolomar Hilario konsehal sang Moises Padilla mismo sa ila puluy-an sa nasambit nga munisipalidad.

Suno sa interbyu kay Ka Ann Jacinto, ikaduha nga tigpamaba sang LPC, ginpana-ugan sang Rebolusyunaryo nga Korte sang pumuluyo sang silot-kamatayon si SB Hilario bangud sa madamo nga kaso nga iya gin-komiter sa rebolusyonaryo nga

h u b l a g
k a g s a
p u m u -
l u y o . U n a d i r i a n g
p a g g a m i t s a n g i y a p o -
s i s y o n b i l a n g a p p r o p r i -
a t i o n c o m m i t t e e n g a
g i n a g a m i t a n g p o n d o
s a n g b a n w a p a r a s a m g a
o p e r s a y o n m i l i t a r . I s a m a n
s i y a s a m a s u p o g n g a a s e t
s a n g 3 0 3 r d B r i g a d e n g a n a -
g a - m o n i t o r s a h u l a g s a n g N P A k a g
r e b o l u s y o n a r y o n g a p w e r s a s a
l u g a r . N a g a - u y a t s a n g g r u p o n g a
n a g a p a n u l i s k a g n a g a p a n g a w a t
s a n g m g a k a s a p a t a n s a n g m a s a
h a l i n s a n g B r g y . K a p i t a n p a s i y a
s a n g I n o l i n g a n . K a - k o n s a b o m a n
s i y a s a n g m g a i l l e g a l d r u g s k a g
s h a b u n i a n a y M a y o r M a g d a l e n o
P e ñ a s a M o i s e s P a d i l l a .

Tigayon nga nakuha ang tatlo ka .45 pistol, siyam ka magasin sini nga puno sang bala, isa ka ingram, duha ka magasin sini kag isa ka shotgun nga madamo sang mga bala.

Abril 19. Ginharas sang mga katapu sang LPC ang bag-o lang gin-tukod nga detatsment sang 94th IB, alas 8:00 sang gab-i sa Sityo Kasingan, Brgy. Trinidad, Guihulngan City. Duha ang KIA kag isa ka Wounded-in-Action (WIA) ang naagum sang nasambit nga tropa.

Abril 20. Naglunsar ang Special



Partisan Unit (SPARU) sang LPC sang silot-kamatayon sa masupog nga ahente sang militar nga si Roberto Estrada, alas 6:20 sang gab-i sa Brgy. Bucalan, Canlaon City, Negros Oriental.

“Napamatud-an sang Rebolusyonaryo nga Korte sang pumuluyo nga si Roberto Estrada isa ka mabangis nga ahente sang militar. Siya ang isa sa nagalista sang mga pangalan sang mga inosenteng sibilyan sa Canlaon nga nabiktima sang masaker bangud sang Oplan Sauron 2,” suno kay Regalado.

Mayo 8. Gin-reyd sang yunit idalum sang ASJC ang detatsment sang armado nga grupo sa idalum sang RPA-ABB, ala 1:30 sang kaagahon sa Sityo Mambinay, Brgy. Locotan, Kabankalan City.

Duha ang napatay sa elemento sang RPA kag isa ang nabihag nga ginbiling matapos mapaathagan sa basehan sang opensiba. Nakuha sa *clearing* ang walo ka armas kag iban pa nga mga kagamitan. Naglab-ot sa walo ka minuto ang pagbaylohanay sang lupok nga wala sang kaswalti sa hanay sang NPA.

“Ang ini nga opensiba sabat sa madugay na nga demanda sang pumuluyo kag pagpanukot sang hustisya sa malaba na nga listahan sang krimen nga ila gin-komiter batuk sa pumuluyo kag rebolusyunaryong kahublagan,” hambal ni Andrea Guerrero, tigpamaba sang ASJC.

Hunyo 6. Naglunsar ang SPARU tim sang LPC sang silot-kamatayon kay Rosemar Melancolico, alas 9:25 sang gab-i sa Brgy. Buenavista, Guihulngan City.

Suno sa tigpamaba sang LPC, si Melancolico isa ka masupog nga aset sang PNP nga direkta nga gina-uyatan ni PNP Fermin Jacobo sang Guihulngan City. Isa man siya sa mga aktibo nga *drug dealer* nga naga-operate sa Guihulngan City, La Libertad kag Jimalalud sakop sang Negros Oriental. Imbolbado man siya sa mga operasyon sang

“70 kaswalti...” sa pahina 4



“70 kaswalti...” halin sa pahina 3

PNP kag militar nga nagabayolar sa tawhanon nga kinamatarung sang pumuluyo.

Hunyo 14. Ginpatigayon sang LPC ang silot-kamatayon kay Joerge Colongon sang Sityo Culasi, Brgy. Buenavista, Guihulngan City, Negros Oriental.

“Si Joerge Colongon isa ka masupog nga ahente sang PNP kag Duterte Death Squad (DDS) nga nagatudlo kabaylo sang bayad nga kwarta sang mga rebolusyunaryo kag progresibo nga mga pwersa nga ginatarget para sa EJK. Nagabaton sila sang kwarta sa ila tagsa ginapamatay sa Guihulngan pareho ni Heide Flores, Carlito Buloron kag asawa sini nga naga-busong, Richard Bustamante Jr. kag Jesus Isugan. Isa man ini nga anay aset sang 11th IBPA Bravo Coy sadtong tuig 2008-2014,” hambal ni Regalado.

Hunyo 21. Naglunsar sang aksyon militar ang yunit idalum sang Rachelle Mae Palang Command (RMPC) batuk sa mga notoryus nga tropa sang Special Civilian Armed Auxiliary (SCAA) sa idalum sang 12th IB sa Sityo Kakha, Brgy. Talalac, Sta. Catalina, Negros Oriental.

Nagresulta sa madamo nga pilason kag kaswalidad ang naagum sa hanay sang nasambit nga *paramilitary group* sa *sniper-cum-sapper* nga operasyon sang RMPC sa ila detatsment.

Hunyo 22. Gin-isnayp sang yunit idalum sang Mount Cansermon Command (MCC) ang tropa sang 94th IB sa Sityo Bulu, Brgy. Bantolinao, Manjuyod, Negros Oriental.

Sa pareho nga adlaw, nalukpan sang bomba kag nagbaylohanay

sang lupok ang tropa sang 94th IB kag yunit sang MCC samtang nagapatigayon sang *combat clearing operation* ang nasambit nga tropa sa Sityo Cambugtong, Brgy. Bantolinao sa pareho nga munisipalidad. Nag-angkon sang masobra 20 ka kaswalidad ang nasambit nga tropa sang militar baliskad sa ila ginapagwa nga isa ang napatay kag tatlo ang pilason.

Suno kay Dionesio Magbuelas, tigpamaba sang MCC, ginlunsar ang ini nga madinalag-on nga ser-ye sang mga taktikal nga opensiba sang MCC bilang pagpanukot sang hustisya sa pasistang estado sa mga biktima sang EJK ilabi na sa mga biktima sang Oplan Sauron 1 kag 2. Kung madumduman, 21 ka mga mangunguma ang ginpatay kag lapit 100 a n g ginda- k o p gamit a n g hini- mo-himo nga kaso.

Hulyo 18. Gin-ambush sang isa ka yunit sang MCC ang apat ka *intelligence personnel* sang 704th Regional Mobile Force Company (RMFC) sang Philippine National Police Regional Office 7 (PRO 7) sa Sityo Yamot, Brgy. Mabato, Ayungon, Negros Oriental.

Napatay sanday Corporal Lireberth Berollo, PO1 Ruel Cabellon, PO1 Raffy Callao kag PO1 Marquino De Leon. Narekober sa ila ang apat ka Canik 9mm pistol, 9 ka magasin, 135 ammunition kag listahan sang mga pangalan sang ila mga target para sa masunod nga hugna sang “OPLAN SAURON.”

“Base sa amon *intelligence report*, ang apat ka *police operatives* ang naga-tipon sang impormasyon kag naga-surbeylans sang erya para sa dugang pa nga hugna sang Oplan Sauron sa diin ginapatay ang mga inosenteng sibilyan sang mga *uniformed personnel*,”

suno ni Magbuelas.

Agosto 30. Naglunsar ang SPARU tim sang LPC sang silot-kamatayon sa masupog nga intel nga si Brgy. Kagawad Ramonito Handumon alas 5:00 sang hapon, sa Brgy. Mabunga, Guihulngan City, Negros Oriental.

Suno sa LPC, ginpana-ugan sang Rebolusyunaryong Korte sang pumuluyo sang silot-kamatayon si Handumon bangod aktibo ini sa kontra-kahublagan nga mga aktibidad kag konsabo sa PNP. Nakumpiska ang isa ka kalibre .45 sa nasambit nga kagawad.


Agosto 31. Gin-ambus sang yunit idalum sang Roselyn Jean Pelle Command (RJPC) ang tropa sang 79th IB gamit ang *Command Det-*

onated Explosives. Indi magnubo sa 15 minutos ang pagbaylohanay sang lupok s u g o d 6:45 sang

aga sa Sityo Moreno, Brgy. Paitan, Escalante City, Negros Occidental.

Nag-agum sang kaswalidad nga indi magnubo sa 10 KIA kag madamo nga pilason ang 79th IB matapos nga padayon nga ila ginapalupok ang ila *machine gun* nga nakatuon sa *ambush site* sa diin nahamtang ang ila mga pilason. Ini baliskad sa deklarasyon sang 303rd Brigade nga tatlo lang kuno ang nadapyasan.

“Ginlunsar ang ini nga ambus bilang sabat sa handom sang pumuluyo kag paghatag sang hustisya sa mga mangunguma kag sibilyan nga nangin biktima sang masaker kag extra-hudisyal nga pagpamatay diri sa isla sang Negros nga kahimuan sang pasistang AFP upod ang iya paramilitar nga pwersa sa idalum sang M032 kag de facto martial law sang rehimen US-Duterte.” suno kay Cecil Estrella, tigpamaba sang RJPC.



Kapalpan sa pihak sang kabutigan kag pagpanghambog sang AFP/PNP

Naghandom sang award, dalagko nga sweldo kag dalagko nga bahin sang korapsyon ang mga mataas nga opisyal sang militar kag kapulisan sa pagsunod sa mando sang pasista nga rehimen Duterte.


Apang kapaslawan ang nasumalang sa pwersa sang AFP/PNP amo nga ila ginkontrol ang midya para mapapati ang pumuluyong Pilipino sa ila ginapalapnag nga kabutigan kag kadramahan.

Halin Enero tubtub Setyembre sini nga tuig sobra 100 ang kaswalidad nga nahiagum sang militar nga ginapanginwala nila sa publiko. Luwas sa kaswalidad sa mga taktikal nga opensiba sang NPA, nakaagum man ang kaaway sang kaswalidad sa ila kaugalingon nga pag-atake pareho sa natabo sa Barangay Cabcaban, Bindoy sadtong Abril 14 nga nakuha sang NPA ang inisyatiba sa pihak sang atake sang 94th IB sang Philippine Army, 3 ka soldado ang napatay. Sa Hulyo 2, napaslaw ang plano sang 11th IB sa pagreyd sa isa ka yunit sang NPA diin 10 ang patay kag anum ang

pilason sa hanay sang Army.

Nagadako ang ulo sa pagpanghambog pero kapyerdihan kag kahuy-anan sa gihapon ang naangkon sang AFP/PNP sa ila desperado nga paglagas sa mga NPA.

Ginsabotahe sang 79th IB ang pagkomemorar sang pumuluyo kag mga progresibo nga hubon sa ika-34 ka tuig nga kasumaran sang Escalante Massacre (ESCAM) sa pagpagwa nga may nagluntad kuno nga engkwentro sa Sitio Maitom, Old Polacion, Escalante City kag ginpresentar sang 303rd Brigade sa midya ang duha ka persona nga mga katapo kuno sang NPA sadtong Setyembre 17. Luwas pa ini sa pagdakop sa siyam ka nagrekorida nga katapo sa mga progresibo nga organisasyon nga ginpasibangdan nga NPA kag ang bogus nga *peace summit* kag 2,510 ka peke nga surendere sa Setyembre 20, adlaw sa kasumaran sang ESCAM.



Sa temprano nga bahin, Hulyo 29, isa ka mis-encounter ang natabo sa Sitio Talaptapan, Barangay Nalundan, Bindoy, Negros Oriental. Ginpagwa sang *Regional Mobile Force Battalion 7* nga NPA ang ila na-engkwentro bisan nag-unay lang ang pwersa sa kapulisan kag militar pareho sa panghitabo sa Puting Bato, Barangay Washington, Escalante City nagligad tuig.

Ang mga peke nga balita, peke nga mga surendere, peke nga engkwentro, peke nga pagpagwa nga wala kaswalidad sa mga berdugo nga AFP/PNP wala katapusan nga panghinabon sa ila mga kapalpan.

Bisan ano pa nga pagtorse sang ila binuhatan, indi nila makuha ang suporta sang masa kag wala sang kadalagan nga malab-ot ang rehimen Duterte.

Bisan pila pa ka Joint Task Force ang ila himuon, handa ang rebolusyonaryo nga kahublagan nga atubangon ang kalakasan sang rehimen US-Duterte kag sukton ang may utang nga dugo sa pumuluyo. 

Sunod-sunod nga pagpamatay, lapnagon kag nagapadayon

Militar sa kaumhan, palayason! Untaton ang militarisasyon! Mga panawagan nga aton permi mabati-an nga ginasinggitan sang pumuluyo sa dalanon batok sa ginasabwag nga kahalitan sang berdugo nga rehimen sa isla sang Negros.

Gintuga nga instrumento sang estado ang militar kag kapulisan agud mapabilin ang pulitikanhon nga gahum sa nagahari nga sahi nga karon gintiglawasan ni Duterte. Panguna nga hinganiban sang rehimen Duterte ang militar kag kapulisan para mapalawig ang tiraniya sini.

Suno sa *Defend Negros Network* naglab-ot na sa 89 ang kabilogan nga biktima sang EJK kag masakrer halin sa pagpungko ni Duterte nga nagtuga sang madamo nga

paglapas sa tawhanon nga kinamatarong kag pagpamatay sa inosente nga sibilyan.

Nagdugang ang biktima sang EJK pagkatapos sang ginpatay ang apat ka pulis sa banwa sang Ayungon, halin Hulyo 23 tubtob Agosto 15, 21 ka sibilyan ang napatay sa operasyon sang militar kag kapulisan. Upod na diri ang abogado nga si Atty. Anthony Trinidad, Wenly Alegre, Felimino Jaraya, Yngwei Malmstein Fabugaris, mag-utod nga Bayawa nga si Arthur Bayawa kag Andale Bayawa, Brgy. Buenavista (Guihulngan City) Captain Romeo Alipan, Raklin Asturias, Reden Eleuterio, mag-amay nga Marlon kag anak nga isa ka tuig nga si Marjhon Ocampo, Fedirico Sabejon, Canlaon City Councilor Ramon Jalandoni,

Brgy. Panubigan Captain Ernesto Posadas, anay Ayungon Mayor Edsel Enardecido kag pakaisa nga si Leo Enardecido, Ananciano Rosalita, Joshua Partosa, Kgwd. Fernando Toreno, Kgwd. Raul Fat kag si Cristal Faith Jastiva.

Panabon ang MO32 para sa pagdugang sang mga tropa sang AFP/PNP sa Occidental kag Oriental nga bahin sang Negros sa tinutuyo nga pagpatuman sang mas bangis nga kampanyang “kontra-insurhensya” sang rehimen nga nagresulta sa malapad kag asud-asud nga mga pag-atake sang kapulisan kag militar sa mga komunidad ilabi sa kaumhan.

Ginpatuman sang rehimen ang *whole-of-nation approach* paagi sa E070 sa puguso nga pag-im-

“Sunod-sunod...” sa pahina 8

Arevalo, Sinas kag Vinoya: mga berdugo nga heneral sa isla sang Negros

Nagapanukturno-ok na ang mga manok pero wala pa nadula ang huni sang mga sirom-sirom sa palibot. Amat-amat na nga nagalasaw ang kadulom apang madamol nga makit-an ang nagatipon nga gal-om. Kadungan sang aton pagmata sa aga, ang pagbukas man sang aton mga radyo, telebisyon kag bantalaan. Kada-adlaw na lang naton nga nagakabalitaan nga halos naga-pula na ang kolor sang aton pahayagan. Wala na untat nga naga-danaw sang dugo ang mga kaumahan nga naga-ilig sa gina-uhaw nga mga talamnan. Ang duta nga kung tani isa ka palangabuhian, nangin isa na ka maladisyerito nga lulubngan.

Dagway sang malala nga kahimtangan sa isla sang Negros. Tuga sang wala-tuo nga serye sang madinuguon nga kampanya sang mabangis nga gobyerno sa idalum sang rehimen Duterte. Nag-sugod ini sang siya nagpungko sa pwesto nga nagpatuman sang tatlo ka gyera: ang gyera kontra-droga, gyera kontra-terorismo kag gyera kontra-pumuluyo nga gina-maskarahan sang “kontra-insurhensya” nga kampanya nga nagresulta sa indi na maisip nga numero sang mga biktima sang extra-hudisyal nga pagpamatay, nagataas nga isip sang paglapas sa tawhanong kinamatarung kag madata nga militarisasyon. Gina-padihot sang iya mga alipures nga AFP, PNP kag iban pa nga mga mersenaryo kag paramilitar nga mga grupo. Dira nagabandera ang mga pangalan nga Arevalo, Sinas kag Vinoya, ang mga berdugo nga heneral sa isla sang Negros.

Isa sa tig-implementar si Brig. Gen. Benedict Arevalo ang Kumander sang 303rd Brigade. Tumandok sang Baguio City si Arevalo nga may duwa ka utod kag amay nga nagaserbisyo sa AFP. Nangin anay nga *intelligence officer* sang 302nd Brigade diri sa Negros sadtong tuig 1994-1995 kag 1996-1998. Siya man ang nagtindog bilang *intelligence and operation officer* sang 7th IB sang 3rd Infantry Division halin tuig 1992-1994 kag nangin

kumander sang 301st Brigade nga nakabase sa probinsya sang Iloilo antes nadestino liwat sa Negros.

Gani nalatum na sang militarista nga pamaagi kag paminsaron si Arevalo sa pagpatuman sang mapintas nga mga mando sang tiraniko nga klase sang gobyerno. Nagapabilin nga preska sa paminsaron sang pumuluyo ang mga kalakasan nga natabo sa idalum sang iya nga pagpamuno. Halin sa pagpamatay sang mga lider-mangunguma kag aktibista sa Negros Occidental, hasta sa lapnagon nga pagpagwa sang mga peke nga mga *surrenderee*, ang makasilidhi nga masaker sa siyam ka mangunguma sa Sagay kag ang pagtiro-patay kay Atty. Ben Ramos, abogado sang mangunguma, kag kay Councilor Bernardino “Toto” Patigas, *Human Rights defender* kag konsehal sang Escalante. Ispiho sang madulom nga imahe sang Oplan Kapayapaan nga

kampanya sang rehimen.

Nagapabilin nga pula ang ani sang mga manguguma sang ginlunsar sang

uhaw sa dugo nga si Duterte ang mabangis nga Oplan Sauron sa idalum sang PNP Regional Office 7 sa pagpanguna ni Police Brig. Gen. Debold Sinas nga nag-utas sa kabuhi sang mga inosente nga



mga sibliyan sa diin anum ka mangunguma ang biktima sang pagpamatay sa Guihulngan sa una nga hugna. Walo ka mangunguma sa Canlaon, apat sa Manjuyod kag duha sa Sta. Catalina sa ika-duha nga hugna. Kag ang asud-asud nga pagpamatay sa mga inosenteng pumuluyo sa Negros Oriental matapos nga gin-ambus sang NPA ang apat ka *intelligence operatives* sa munisipalidad sang Ayungon.

Mas mataas pa sa bulkan sang Kanlaon ang nagasinampaw nga bangkay sang mga ordinaryong sibilyan nga wala kaluoy kag brutal nga ginpamatay sang tropa sang PRO 7 sa superbisyon kag mando sang mapintas nga si Sinas sa pangalan sang “kontra-insurhensya.”

Anak sang isa ka militar si Sinas nga nabun-ag kag nagdako sa syudad sang Butuan sa Mindanao. Anay nga hepe sang Crime Laboratory nga nakabase sa Camp Crame antes nangin Chief Superintendent nga nakabase sa Cebu kag nangin Direktor sang PNP sa Central Visayas.

Wala sang kalinong ang kaumahan bangod sa pagbakho kag nagakalayo nga kaakig sang mga pamilya sang mga biktima nga nagasinggitan sang hustisya. Lubos na nga napaidalum sa indi deklarado nga laye militar ang isla sang Negros. Sa gutom kag bala nga nagapatay sa mga inosenteng sibilyan, mas ginpalala pa gid ini sumugod nga ginbalay sadtong Setyembre 1 ang *Joint Task*

“Arevalo, ...” sa pahina 7

"Arevalo..." halin sa pahina 6

Force-Negros nga may katuyuan kuno nga solbaron ang ugat sang "insurhensya" kag batuan ang mga kaaway sang gobyerno sa idalum sang programa nga *whole-of-nation approach* kag *localized peace talk*. Ini ginapamunuan ni Brig. Gen. Eric Vinoya idalum sang AFP Central Command.

Kung aton balikan, si Vinoya ang anay nangin kumander sang 403rd IB sang 4th Infantry Division sang AFP nga nakabase sa Malaybalay City, Bukidnon sa Mindanao nga subong sobra na isa ka tuig nga napaidalum sa laye militar ukon Martial Law. Kag subong siya ang naga-serbi nga assistant division commander sang 3rd ID sang Philippine Army nga ginasa-kop ang bug-os nga Western Visayas.

Nalikop na ang Negros sang kadulom bangod sang malala kag mabangis ang pangginahom militar sa bug-os nga isla, dugang pa ang paghari sang kakugmat ilabi na nga si Vinoya ang nagatindog nga kumander sa gintukod nga JTF sa bandera sang matiplangon nga NTF-ELCAC. Desperado ini nga tapuson ang armado nga pag-alsa apang wala gina-ugat ang rason sang armadong rebolusyon, gina-into lang gihapon ang Negrosanon para mangurakot sang pondo sa kaban sang pumuluyo. Buhi nga pamatuod' diri ang natabo sa syudad sang Escalante sa diin 2,510 ka mga sibilyan ang kuno nagsumpa sang pakig-alyansa sa ila kag nag-balik sa sabak sang gobyerno.

Matam-is ang tubo sa Negros nga naghalin sa kusog pangabudlay sang mga mangunguma kag mamumugon sa kampo kag mga sentrales nga naga-ganansya sang dako pero nagakadto lang sa

mga poderoso nga agalon mayduta. Sa kabaylo, kapait kag seninitimo lamang ang nagaka-aguman sang pumuluyong Negrosanon. Dugang nga agoniya diri ang malala nga inhustisya sa idalum sang sining tatlo ka berdugo nga heneral kag sang barbariko nga paghari sang rehimeng US-Duterte.

Apang napagkit na sa kasaysayan nga ang kapalaran ni Arevalo, Sinas kag Vinoya mangin pareho lang sa kapalaran sang madamo na nga nag-agi nga mga heneral nga isa lang ang padulungan. Amo ang pag-angkon sang madamo nga kapaslawan.

Nalipat ang mersenaryo nga mga pwersa sang estado sa manggaran nga kasaysayan sang paghimakas sa isla sang Negros. Muklat ang bug-os nga Negrosanon sa mga kalakasan nga ginahimo sang AFP kag PNP. Sa pihak sang wala untat nga pagpang-atake, mas nagakusog kag indi mapukan ang malig-on nga pader sang bug-os nga rebolusyonaryong pwersa nga nagalanog ang pagsinggitan sang hustisya!

Nagapabilin nga buhi sa tagipusuon sang mga Negrosanon ang rebolusyonaryo nga diwa ni Papa Isio kag Andres Bonifacio. Pamatuod ang ila kahandaon kag nagadaba-daba nga handom nga daugon ang demokratiko nga rebolusyon sang banwa kadungan diri ang pagpasabat kag pagpanukot sang gin-utang nga dugo sining mga berdugo nga mga heneral upod na ang tiraniko nga si Duterte.

Pareho sang isa ka binhi ang paghimakas sang pumuluyo, pilit man nga papason sang sini nga estado, padayon ini nga magatubo kag magadabong. Kag indi maga-untat ang pagsulong sang demokratiko nga rebolusyon tubtub maangkon ang matuod nga kalinong kaangay sang kalinong nga aton mabatyang sa kada pagtakop sang sirom.

Hustisya para sa Negros 14!

tula ni Ka Karylle

*Hindi lang sila mga bilang
Dahil sila ay mga ama sa bawat tahanan
Hindi lang sila mga pangalan
Dahil sila ay mga magsasakang
bumubungkal ng ating agrikultural na
yaman*

*Isa, dalawa, tatlo, apat... labing-apat
Labing apat na mga magsasakang
nakahandusay ang mga bangkay
Sa harap ng kanilang mga pamilya na
walang awang pinatay
Nitong mga berdugong pulis at sundalo
Na walang ibang alam kundi yurakan ang
ating mga karapatang pantao*

*Lima, anim, pito, walo siyam... labing
apat
Labing apat na buhay ang kinitil na
walang kalaban-laban
Ngunit ang pinapalabas ng estado lahat
daw sila ay nanlaban
Nanlaban ba talaga o sadyang pinaslang?
Dahil ang alam ng lahat, sila ay mga
magsasakang tumitindig para sa ating
mga karapatan*

*Sampu, labing-isa, labing-dalawa,
labing-tatlo, labing-apat
Labing-apat na buhay ang sinayang ng
estadong ito
Hahayaan na lang ba nating mamayani
ang inhustisya at pasismo?
Ilang buhay pa ang kailangang mawala?
Bago ka kikibo at aalisin ang pagiging
kimit at pagsasawalang bahala*

*Labing-apat... labing-apat na buhay ang
kinitil...
Nadilig ang dugo sa lupang nakagapos pa
rin sa pag-aalipin
Gusto niyo pa bang madagdagan ang
bilang?
Gusto niyo pa rin bang magbilang?
Habang buhay na lang ba tayong
magbibilang?
O baka balang araw isa na rin tayo sa
mga bilang?*

*Huwag nating hayaang maghari ang
ganitong kalagayan
Tumindig tayo at matutong lumaban
Sumama sa hanay ng nakikibakang
mamamayan
At ipanalo ang pag-aaklas na sinusulong
ng buong sambayanan*

*Hustisyang panlipunan ay sabay nating
kamtin
Inutang na dugo ng estadong ito ay ating
sisingilin
Itataas natin ang bandera ng
mapagpalayang kilusan
Ipananalo ang pangmatagalang digmang
bayan at lubos na babaguhin ang ating
lipunan!*



Defend Negros Network, ginlunsar!

Para ipanawagan nga untaton ang pagpamatay kag pagpang-abuso sa tawhanon nga kinamatarung sa isla sang Negros,

ginlunsar sang mga tigdampig sa tawhanon nga kinamatarung ang Defend Negros #StopTheAttacks Network sadtong Hunyo 22 sa Bulwagang Ka Pepe Diokno, opisina sang Commission on Human Rights, Quezon City.

Ginpartisiparan sang masobra 50 ka tumalambong halin sa 28 ka mga organisasyon kag institusyon halin sa simbahan, mangunguma, midya,

akadem, artista, personalidad pangkultural kag mga nagatib-ong sa reporma sa duta.

“Ang amon mayor nga tinutuyo amo ang depensahan ang Negros, ilabi na ang mga mamumugon sa katubhan kag mangunguma batok sa *impunity* (krimen nga wala sang pagpasabat) halin sa extra-hudisyal nga pagpamatay kag iban pa nga bayolasyon sa tawhanon nga kinamatarung sang rehimen Duterte.” Antonio Flores, tigpamaba sang Defend Negros Network.



Transport strike batok peke nga modernisasyon ni Duterte madinalag-on

Naglabot sa 98-100% ang naparalisa nga byahe sang *public utility vehicles* (PUVs) sa Bacolod City kag madamo pa nga lugar sa Negros Occidental sang Setyembre 30. Kabahin ang Negros nga aktibo nagpasakop sa *nationwide transport strike* batok sa pwersahan nga “*phase-out*” sang Department of Transportation (DOTr) sa pagpamuno ni Sec. Arthur Tugade sang masobra 170,000 jeepneys *nationwide* sa maabot nga Hunyo 2020.

Ang *Transport Modernization Program* ni Duterte magapabor lamang sa dalagku nga mga negosyante nga may handum nga monopolyon ang *transport system* sang Pilipinas. Indi masarangan sang mga *small and medium operators* ang mga imported nga Euro 4 PUVs nga nagabili sang Php 2 milyones tubtub Php 2.4 milyones. Ang peke nga modernisasyon maga-resulta man sang pag-taas sang pletehan kag iban pa nga mga balayran kaangot sa transportasyon.

Nangin madinalag-on ang *transport strike* sa paghiusa sang UNDOC-PISTON, FEBACDA kag SSTON. Nagsuporta man ang pila ka mga LGUs ilabi na ang Bacolod City nga nagdeklarar nga wala sang klase sa adlaw sang strike. Nagsuporta man ang tawong simbahan, *business sector* kag *consumers organizations*.

Nagresulta ang madinalag-on

nga *transport strike* sa pagpamatok sang pila ka mga Senador sa plano sang DOTr nga “pagpatay” sa pangabuhian sang mga *small operators* kag *drivers* nga amo ang matuo-tuod nga tigpahulag sang sistema-pangtransportasyon sang Pilipinas. Sa imbestigasyon sang Senado nasayran nga wala sang *national budget* para sa modernisasyon sang transportasyon kag gintugyan na lamang sa mga dalagku nga mga kapitalista ang pag-implementar sini. Bangud sang mabaskug nga protesta, duso-bulong na ang DOTr sa pagtalana sang iya mga *deadline* sa pagrebokar sang mga prangkesa.

Nagademanda ang mga apektado nga mga drayber kag opereytor nga indi *phase-out* ang solusyon kundi rehabilitasyon sang mga daan nga salakyan paagi lamang sa pag-ilis sang mga makina o pag-manupaktura sang mga lokal nga salakyan nga barato kag mabakod. Ang ini nga lokal nga rehabilitasyon kag manupaktura sang PUVs magaresulta pa sang madamo nga pag-employo.

Isa ka tampa sa rehimen US-Duterte ang maisog nga pag-welga sang mga *small operators* kag *drivers* nga nagpahayag nga may masunod pa nga mga protesta batok sa kontra-driver-operator-pasahero nga *Modernization Program* ni Duterte.



“Sunod-sunod...” halin sa pahina 5

bolbar sang *local government units* kag iban pa nga mga sektor sa katilingban sa kampanya batok sa rebolusyonaryo nga kahublagan. Mas klaro kag nahublasan ang kontra-mangunguma kag kontra-pumuluyo nga karakter sang pwersa sang AFP/PNP sa sini nga mando ni Duterte.

Iligal nga gin-aresto kag ginpasakaan sang pato-pato nga kaso ang siyam ka nagrekorida para sa pagdumdum sa ika-34 ka tuig sa Escalante Massacre sadtong Setyembre 18 sa Brgy. Hunobhunob, Escalante City. Ginharingan sila sang *checkpoint*, gintamnan sang peke nga ebidensya kag ginpasibangdan nga NPA sang mga kapulisan.

“Sunod-sunod...” sa pahina 9

Ka Boygat, Pulang hangaway sang Negros

Ang ini nga seksyon sang **ANG PAGHIMAKAS** nga nagapakita sa mga martir kag baganihan sang rebolusyon sa Negros nagserbi bilang testamento sa ila malahalon nga amot sa bulawanon nga anibersaryo sang *Communist Party of the Philippines* kag *New People's Army* kag sa nagapadayon nga paghimakas para sa pungsodnon nga kahilwayan kag demokrasya. Halin sa mga tinaga ni Kaupod Mao Zedong, ang kabug-aton nga manginmatay para sa pumuluyo mas bug-at pa sa Mount Kanlaon samtang ang kabug-aton nga nag-alagad sa mga pasista kag nangingmatay para sa mga mahimuslanon kag mapiguson mas mamag-an pa sa balahibo.

Ang sosyal nga kondisyon sa Negros ang kaangay sa nagaindakal kag nagangurob nga bulkan nga manug lupok bangud sa nagatalom nga kahimtangan sang mga pigado kag gin-ulipon nga pumuluyo. Para mahilway sa malawig na nga pag-antus tuga sang pyudal kag malapyudal nga pagpanghimulos, ginhakos sang mga Negrosanon ang pungsodnon demokratiko nga rebolusyon paagi sa pangmalawigon nga inaway banwa.

Sang tuig 1960 ang Negros hasta sa subong gina-dominar sang malapad nga hasyenda

sang katubhan nga ginabug-os sang 80% sang duta agrikultural nga ginahugakom sang indi mag-nubo sa 50 ka mga dalagko nga agalon mayduta kag komprador burgesyia. Lapnagon ang pagpang-agaw sang kadutaan kag ang mga mangunguma nangin mga mamumugon sa uma sa mga katubhan. Sa paglabay sang mga tinuig, ang ila mga pamilya nagpabilin nga nagapos sa amo sini nga paagi sang pagpangabuhi.

Ang mga mamumugon sa uma ang nag-antus sa tuman ka manubo nga sweldo kag gintratar bilang mga ulipon sa ginatos nga tinuig.

Wala kinalain ang kahimtangan sa mga sentrales. Ang nagahari nga sahi sang mga dalagko nga agalon mayduta kag dalagko komprador burgesyia ang naghugakom sang dalagko nga ganansya halin sa mga sobra nga produkto nga ginpuga halin sa mga mangunguma kag mamumugon sa uma sa mga hasyenda kag mga mamumugon sa sentrales. Ang mga dumuluong nga kapitalista wala sang kabulusgan sang super ganansya halin sa industriya sang kalamay. Si Ferdinand Marcos, ang nagapanguna nga burukrata kap-

"Ka Boygat..." sa pahina 10

"Sunod-sunod..." halin sa pahina 8

Pinaka-una nga hugna sang atake matapos gin-anunsyo ang M032 kag E070 ang Synchronized Enhanced Managing of Police Operations ukon Oplan Sauron 1 sadtong Disyembre 2018 sa Negros Oriental nga nag-utas sang kabuhi sang anom ka mangunguma sa Guihulngan City kag 26 ang ilegal nga gin-aresto sa lain-lain nga banwa sa kamot sang pwersa sang PNP Regional Office 7 (PRO 7) kag AFP Central Command.

Marso 30 sini lang nga tuig ginpatuman ang Oplan Sauron 2 sa parehas nga probinsya sa diin mas nagdamo ang mga ginpatay nga kuno "nanlaban:" walo sa Canlaon City, apat sa Manjuyod kag duha sa Sta. Catalina. Ginpan-

gunahan kag ginpatuman ini sang Negros Oriental Police Provincial Office (NORPPO) idalum sang PRO 7 nga may koordinasyon sa *Criminal Investigation and Detection Group, Special Action Force, Regional Mobile Force Battalion 7* kag 94th IB sang Philippine Army.

Suno pa kay PRO 7 Director BGen. Debold Sinas, "Ang 14 nga napatay ginapatihan nga

myembro sang NPA kag mga supporter."

Ang tanaan

nga mga ginpatay kag ginpatu-patoan sang kaso ginpasibangdan sang AFP/PNP nga mga NPA ukon may kaangot sa rebolusyonaryong kahublagan.


"Ini nga pagrason pareho sang gyera kontra-druga ni Duterte nga gusto ipatulon sa pumuluyo kag batonon nalang nga insakto ang brutal nga pagpatay kag malisyo-

so nga pagpangdakop," suno sa Apolinario Gatmaitan Command sang NPA Negros.

Bisan ang Simbahang Katoliko kag mga *human rights activists* nagkondenar sa asud-asud nga pagpamatay kag paglapak sa tawhanon nga kinamatarung sa pumuluyo sa Negros.

Suno kay Cristina Palabay, Secretary-General sang Karapatan, ang pagpadayon sang rehimen Duterte sa masingki nga mga pag-atake sang pagpatay kag arbitraryo nga pag-aresto diri sa Negros naghatag sang peligro nga kalakaran diin ang mga pwersa sang estado makahimo nalang sa kung ano ang ila nga gusto.

Sang wala pa ginpatuman ang M032 kag E070 sa ulihi nga bahin sang 2018, may serye na sa pagpamatay sa isla sang Negros partikular sa siyam ka mangunguma sa Sagay City, duha ka mangunguma sa Sta. Catalina kag pagtiro-patay sa abogado sang mangunguma nga si Atty. Benjamin Ramos sa Kabankalan City.



“Ka Boygat...” halin sa pahina 9

italista kag tirano sa sini nga tion, upod sa iya hubon nga nakabase sa Negros, nakaangkon man sang bilyones samtang ginakontrol ang industriya sang kalamay gamit ang salsalon nga kamot kag may mayor nga papel sa pilit nga pagpang-agaw sa mga prontira sa kabukiran kag pagtransporma sini pakadto sa mga katubhan.

Bangod sa malala nga sitwasyon ilabi na sang mga mangunguma kag mamumugon sa uma, ang ginahimuslan kag ginapigos nga sahi sa Negros, bisan ang naghalin sa peti-burgesya sa urban, namuklat para mag-organisa sang mga aksyon protesta kag mga welga angot sa mga pang-ekonomiya kag politikal nga isyu. Ang mga mamumugon sa uma kag mangunguma naglunsar sang ispon-tanyo nga mga aksyon masa kag armado nga pagbato batok sa pagpang-agaw sang kadutaan, makatarunganon nga sweldo sa mga hasyenda kag inhustisya nga ila na-eksperyensya.

Amo ini ang Negros nga nakilala ni Ka Apolinario Gatmaitan (“Boygat” sa hanay sang iya mga kaupod) sang siya gindeploy sang CPP para magbulig sa pagpalapad sang gerilya nga pagpakig-away sa Isla sang tuig 1969. Naga-edad siya sang 19 kag nagdako sa Tarlac. Siya man ang nagapamuno nga kadre sang panugod nga eskwad yunit sang New People’s Army nga gintahasan nga magtukod sang base diri sa Negros.

Apang ang eskwad gilayon nga

namutikan bangod sang indi sa panahon nga aksyon militar nga wala sang nagakaigo nga mada-lum nga baseng masa. Ang naga-hari nga sahi nahadlok sang mahibal-an ang presensya sang NPA sa Negros; muklat sa katuyuan sini kag kung para kay sin-o ang ila ginapakig-away. Ang warlord sa Cadiz kag despotiko nga agalon mayduta nga si Armin Gustillo gilayon ginbuhian ang Philippine Constabulary (PC) nga nagserbi bilang iya nga goons batok sa eskwad sang NPA.

Gin-atubang ang lunsay sitwasyon militar, napilitan ang mga kaupod sa isa ka desaysibo nga inaway sa nabukid nga bahin sang Victorias. May pipila nga napatay samtang na-aresto si Ka Boygat. Ang mga nakakita sa iya sa sulod sa prisohan nakatalupangod nga sigurado siya nga gintortyur.

Ang panaysayon halin sa mga kaupod nga makahinumdom pa sa mga panghitabo naghambal nga nagpangabay si Gustillo kay Danding Cojuangco (nga taga Tarlac gihapon), isa ka dispotiko nga agalon mayduta kag komprador, nga magkadto kag kilalahon si Boygat. Suno sa mga istorya, pagkakita ni Ka Boygat kay Cojuangco iya ini ginduplaan. Ginmandoan gilayon ni Gustillo ang Vice Commander sang PC sa Negros nga patyon si Ka Boygat. Suno sa balita ginpatay siya sang PC Commander sa isa ka hasyenda sang katubhan. Sa mga piktyur nga ginpagwa matapos siya ginpatay may mga paso sang sigarilyo sa iya guya.

Ang puno sang igo sang bala nga lawas ni Ka Boygat ginpagwa sa mga bantalaan sang Negros nga nagsiling nga gintiro siya samtang nagatinguha nga makapalagyo matapos ginlagare ang rehas sang iya selda. Pero ang mga kaupdanan niya nga piniriso sadto nga tion ginpanginwala nga ini imposible nga himuon nga indi matalupangdan sa mga pulis nga malapit sa iya nga selda. Permi siya ginabutang sa suok nga selda.

Ang mga sakripisyo sang mga kaupod kaangay ni Ka Boygat mas nagapadugang hatag inspirasyon kag determinasyon sa iban nga mga kaupod kag sa masa para maghimakas sa tunga sa malala nga sosyo-ekonomiko nga kahimtangan. Nagpadayon ang mga preparasyon para sa sonang gerilya sa Negros kadungan sa naga-baskog nga paghimakas batok sa diktaduryang Marcos. Sang 1973, paagi sa ubos-kusog nga pagpamuno sang CPP, sa entusiasmo sang mga rebolusyunaryo nga aktibista kag sa mabaskog nga handum sang masang mangunguma para sa hangaway sang pumuluyo nga depensahan sila batok sa mga despotiko nga agalon mayduta, nagsulong ang demokratiko nga rebolusyon sang banwa sa Negros.

Ang kabuhi ni Ka Boygat kag ang pagsugod sang armadong rebolusyon sa Negros matayog na ang nalab-ot. Subong, ang Isla, nagapabilin nga naga-alburoto nga sosyal nga bulkan, ginaatake naman sang lain nga grupo sang mga pasistang ido kag sa nagatuhaw nga diktador nga si Duterte kag iya mga suluguon. Ang kabuhi kaangay ni Ka Boygat nagahatag sang inspirasyon sa subong nga mga myembro sang CPP-NPA, ilabe na sa mga pamatan-on, nga mangin makahas sa pagsulong sang rebolusyon tubtob sa kadagal-an. Aton ehemplo ang mga martir kag mga baganihan sa bugos tagipusuon nga pagbaton sang mga sakripisyo kag kabudlayan sa pag-alagad sa pumuluyo.



Taas kamao sa mga martir kag baganihan sang rebolusyon!



Pebrero-Setyembre
2019

**Yenyen
Zero
MJ
Jessa
Marlon
PIB
Bred
Benny**